

飲

虹

移

所

刻

曲

孝威




朱紅移巧刻曲

朱紅移巧刻曲

苑
洛
集

(十四)



苑洛集目次

水仙子

秋思

折桂令

金陵

駐馬聽

春思二首

滿庭芳

洛陽懷古

縣答絮

邊城春到遲

邊城秋來早

駐馬聽

寄答世寧進士

縣答絮

咸陽懷古

清江引

曉秋四首

駐馬聽

餞堯甫舉人

水仙子

同州道中懷古

滿庭芳

送宗周舉人

朱履曲

邊城夜雨

駐馬聽

過北邙二首

寄生草

晉陽懷歸

無題五首

朱履曲

思歸

新水令帶過折桂令

秋思

朱履曲


子房從赤松子遊托也

新水令帶過折桂令

別仲華進士

鴈兒落聯得勝令

閩中秋邀楊喬夫飲



苑洛集

朝邑韓邦奇妝節譔

水仙子

秋思

月娟娟空上海棠枝花無風瑟瑟催殘楊柳
絲露零零易落梧桐淚倚西樓看鴈歸隔天
涯萬里相思休說到夢中是假暫歡娛還勝
醒時夜迢迢夢也還稀

折桂令

金陵

上高城歎息金陵望不盡萬樹楸梧何處是
六代宮庭陳宋繁華齊梁文藻王謝流風都
做了一場話柄還落不得半箇虛名只有那
江漢多情依舊朝宗寂寞殺夜半石頭潮打
空城

駐馬聽

春思

春思依依習習和風春晝遲看他遊春杜甫
喜見春來又怕春歸耽春不覺鬢如絲向海
棠還問春消息燕語鶯啼碧闌干外春光有

幾

前調

春雨霏霏綠柳絲絲春漸肥看他萬花枝上
都是春光蜂蝶休疑擔頭春酒隴頭詩風流
人是春光主燕語鶯啼碧闌干外春光有幾
滿庭芳

洛陽懷古

深秋旅程邨山雲起洛浦風生風悲雲慘敘
陽映往事傷情牛羊坂是英雄墳塚禾黍場
是帝王宮庭今和古成長夢只丟下些虛名

虛姓模糊在斷碑中

縣答絮

邊城春到遲

昏昏漠日下荒臺望胡天極目淒淒春盡邊
山花未開對寒盃百感興懷家鄉萬里白髮
還催何處是渭水秦城雪滿紅崖鴈不來

前調

邊城秋來早

胡沙慘慘逐人來見西風纔報新秋赤葉蕭
蕭霜已催上高臺百感興懷你看那燕關趙

塞都做了古往今來當不得弔古思鄉野戍
悽悽卻又畫角哀

駐馬聽

寄答世寧進士王申

別意悠悠又有西風萬里秋那堪雲迷白鴈
露冷黃花月滿朱樓柳條折斷水東流思君
一夜把潘腰瘦多少離愁輕塵弱草人非如
舊

縣答絮

咸陽懷古

滿隄衰柳暮蟬鳴倚西風駐馬高崗極目咸
陽百感生歎英雄霸業成空望不盡寒莎煙
荻尋不著漢闕秦宮只丟下些剩水殘山雲
物淒涼落照中

清江引

曉秋

銀箭催更天漸曉金井梧桐落_{勞傷}西風小
閣寒殘月疏簾照土仲宣此際愁多少
綠樹滿庭清氣生寶鴨消銀鼎風傳玉鴈聲
霜沒金蟬影就不是宋玉也愁難整

樓上殘更雞叫徹銀蠟還明滅笛飄別院風
砧急長廊月蕭條庾信愁難說

河漢西傾生白露三四寒鴉語黃花月下殘
紅葉風前舞張衡到此把愁添做五

駐馬聽

餞堯甫舉人時在關中弘治乙丑

夜色蒼蒼酒滿芳樽恨轉長那堪聲枕玉漏
香盡金鑪燭冷銀缸離情纔說兩三行簷前
卻早鷄三唱休題起行裝卻早把殘魂銷盡
不須到霸陵橋上